



Pameran Peluang Pendidikan KUKUM 2004

Oleh : Mohammad Najib Othman

Bertempat di perkarangan Bangunan KWSP Kangar telah berlangsung Pameran Peluang Pendidikan anjuran KUKUM selama 5 hari bermula dari 16 sehingga 21 Februari 2004 yang lalu. Pameran ini adalah hasil cetusan idea Y. Bhg. Rektor KUKUM sendiri bertujuan untuk mempromosikan KUKUM kepada masyarakat Perlis khususnya dan utara amnya.

Sebanyak 10 ruang pameran disediakan pada pameran peluang pendidikan KUKUM 2004 ini. Ia disertai oleh kesemua 6 pusat pengajian KUKUM, pusat kemahiran komunikasi & keusahawanan dan ruang pameran mempamerkan robot serta hasil ciptaan inovatif warga KUKUM.

Majlis perasmian pameran tersebut telah disempurnakan oleh Y. Bhg. Lt. Kol. Prof. Dr Kamarudin Hussin, Rektor KUKUM pada hari pertama pameran. Sekolah-sekolah menengah terpilih di seluruh Perlis, Kedah dan Pulau Pinang telah dijemput untuk melawat pameran ini. Turut diundang ialah Kolej Matrikulasi, Institut Kemahiran MARA, Institut Latihan Perindustrian, Politeknik dan Kolej Komuniti di ketiga-tiga buah negeri ini.

Sambutan terhadap pameran tersebut sangat menggalakkan dengan kehadiran pengunjung yang ramai disepanjang tempoh pameran berlangsung. Disamping itu, pertunjukan demonstrasi robot dan beberapa produk hasil ciptaan warga KUKUM turut mendapat sambutan dari para pengunjung.

Selain pameran, pengunjung juga disajikan dengan persembahan demonstrasi seni Silat Cekak yang diundang khas untuk memeriahkan lagi suasana hari pameran tersebut.

Pengunjung pameran terutamanya pelajar-pelajar sekolah telah dibekalkan dengan maklumat terkini mengenai KUKUM melalui penerangan dan brosur yang disediakan oleh wakil setiap pusat pengajian disamping cenderahati istimewa yang diberi oleh urusetia program.